

靈巖山人詩集目錄

第三十三卷 古今體詩

玉井擧蓮集

雲臺觀

焦仙祠

玉泉院

山菴亭

太素宮

三里龕

王猛臺

朝元洞

五里關

桃林坪

混元庵

公超谷

希夷峽題祠壁

娑羅坪古樹歌

望上方峯

繫馬峯

白鹿龕

通天宮

雲屏坊

十八盤

三皇臺

望毛女洞

北斗坪

古丈夫洞

臥虎石

靈芝石

雲門

青柯坪

小蓬萊

寥陽洞

回心石

千尺幢

百尺峽

雲頭石

二仙橋

車箱谷

北極閣

夜起題閣壁

師子嶺

老君犁溝

鐵牛臺

猢猻愁

雲臺峯

玉女窗

望香鑪峯

倚雲亭

白雲峯

仙人礪

擦耳厓

金天洞

日月厓

都龍廟

蒼龍嶺

望飛魚嶺

五聖閣

單人橋

石龍岡

箭栝峯

通天門

四仙庵

金天宮觀雨作

題殿西樓壁

登落鴈峯放歌

仰天池

太上泉

黑龍潭

金天宮西樓夜起觀日出

避詔厓

賀老石室

南天門

聚仙臺

寂寞樹

八仙龕

早膳金天宮道士薦山蔬四種因紀以詩

松花芽

鹿耳

雲楸

萱葩

由黑龍潭至老子峯

老君丹鑪

冲霄巖

西石樓峯

蓮華峯

黃神谷

神姑林



鎮嶽宮

摘星臺

捨身厓

試玉井泉

碧天洞

由細辛坪至東峯

玉女峯

玉女殿

玉女洗頭盆

仙掌峯

三清庵

博臺

夜題東峯道院壁

曉抵龍口觀雲海作

下憩青柯坪觀瀑布作

靈巖山人詩集卷三十三

鎮洋畢沅秋帆

續一字

玉井攀蓮集

雲臺觀

蓬壺景色近林垞來款琳宮晝尙扁鶴倚松根尋短夢鹿  
澆芝草學長齡仙靈氣聚三霄紫嶽勢奇撐萬古青此係  
昔賢棲隱地掩關容我讀黃庭

焦仙祠

數間瓦屋帶林塘爲看殘碑立夕陽秋蝶一雙飛又止破  
廊瓜蔓作花黃

玉泉院

神仙行徑多譎詭蓬閭光風在尺咫石洞雲深萬古封蒼  
龍長臥寒泉底一房山一池水修竹滿窗素琴陳几道人  
清福優如此石銚甌鑪燒椽子霏霏隔磴茶煙起盡化白  
雲飛去矣飛去不離巖谷間疏林閒洞暫棲止一瓢一笠  
一枝筇來朝覓爾千峯裏

山蓀亭

旁有無憂樹七株

磐石戴孤亭欄壓無憂樹峯影掃難開泉聲畱不住清幽  
愜我懷小坐題詩去

太素宮

素靈真人居此水竹最勝

背年於此住真君谷邃巖幽絕俗氛累月不逢經過客閒  
牀時埽落來雲舫齋十笏石千笏池水三分竹二分靜掩

柴扉成太古何妨與世斷知聞

三里龕

夾徑羊腸盤步步涉幽趣峯高積翠重石亂流泉怒風傳  
雞犬聲知有人家住厓迴覩茅茨歷落三五處秋林紅四  
交宛若桃花樹心疑武陵源忽于此相遇躊躇試回頭雲  
嶂互遮護果爾緣亦奇一任昧來路消搖與之游焉知不  
仙去肯似捕魚人求歸自貽誤

王猛臺

景畧有遺臺數仞貼厓壁扶策試登覽三峯入天碧鶴蝨  
黏我衣點點費擗摘一笑降西麓仄徑穿林隙聞聲不見  
人牧豎隔雲笛



朝元洞

在谷口與南峯頂  
賀志真所開者別

臨澗觀崖厂巧類鬼工鑿舉杖叩石門響震林葉落衝開  
洞口雲飛去千年鶴

五里關

元氣所胚胎關臨崖角開雲根擎水起樹腳蹠峯迴忽落  
上方磬閒看太古苔攀援殊不易拄杖數裴回

桃林坪

我來雖不見桃花尙有霜林豔足誇擬向坪中營小閣看  
他四面裏紅霞

混元庵

青嶂連丹磴縣梯到上方林梢開戶牖雲半出房廊奇卉

無常色靈泉多異香  
竚看厓上穴疑有秘書藏

### 公超谷

四山高入天一谷  
平如掌昔年作霧人爲問  
今安往偶來流覽真移我情  
石摹雲態泉學琴聲  
只疑已隔人間世  
一花一草含仙意  
不辭暫伴煙霞儔  
卻恐還家年歲異

### 希夷峽題祠壁

磴道紆迴踏翠煙  
數間祠宇荆何年  
一條金電穿巖日  
萬丈銀霓挂壁泉  
蟻繞閒庭猶認夢  
鶴飛遙岫總疑仙  
幾回默詠乖厓句  
不覺臨風思邈然

張乖厓寄華山白雲陳先生  
有回頭慙愧華山雲之句

### 娑羅坪古樹歌

名山愈深景愈好  
一樹菩提大合抱

娑羅樹卽菩提樹一名思惟一名成道一名畢鉢羅一名婆羅

一名皮皴宛類蒼龍鱗條屈渾疑俊鶻爪石骨千尋根蹴開

峯頭數仞枝撐倒羃歷陰籠百畝清迎風寫作落潮聲詩  
人題品才難稱畫手丹青貌不成狀怪形奇真第十青瑤  
刻葉銅鎔質花放流芬勝蕙蘭實成入藥過芝朮北海碑  
文萬口傳此間未審幾時遷若非白馬馱經日定係青牛  
闡道年我思剗作靈槎樣來往明河碧海邊

望上方峯

峯在娑羅坪東唐  
金仙公主修道處

層巒落太霄萬仞碧岩堯削壁扳無路長繩藉作橋初更  
猶日朗六月未冰消石穴藏芝檢沙泉應海潮常逢青鳥  
至不斷彩雲飄帝子辭珠闕花宮徙綺寮玉虹連閣道鐵  
鳳揭山椒邃闥深春掩涼釭靜夜挑清齋除盛饌素飾愛



輕綃寶訣銀泥印金鑪石葉燒當時期控鶴刻意學吹簫  
建府將分月征輪待御鷹只知花有信忽報玉生苗書篆  
驅山鬼升壇拜斗杓三彭俱攝伏六甲盡供僇名愛青瑤  
局神馳絳節朝沙牀丹九轉寶籙例千條瑤琯聲清遠霓  
旌影動搖日兒猶訪覓仙吏早招邀烏乍淩虛冷龍初受  
馭騎洞天春不改人世樹頻凋霞躡巖扃在風徹海嶽遙  
倚雲峯悄悄滿目草蕭蕭徒倚懷前事沉吟向次寥

繫馬峯

在安羅  
坪北

北向眺遙峯峭石形如柱未知是何人繫馬於其處峯因  
此得名世悉爲峯榮騏驎駑駘兩莫辨恐峯亦耻蒙虛聲  
或云昔有人如玉白駒飲齧在空谷繫之維之藉以羈遐

躡一束生芻詎能足萋萋煙草連天綠

白鹿龕

仙人魯女生居於此  
常乘白鹿故有是名

空翠杳無際亭亭劃紫旻  
媛猱難到處日月欲迴輪  
洞秘神仙籙巖私草木春  
時時逢白鹿知迓十洲人

通天宮

西有石窟宋仁宗歲  
遣使投玉簡於此

紫閣碧厓垠焚香禮道君  
房廊全借石几席亂堆雲  
古水魚龍氣秋林錦繡紋  
傳云風月夜仙樂不時聞

雲屏坊

一桁平山似列屏天然樹石勝丹青  
若教游覽人無憾再傍松坊結小亭

十八盤

西折東旋踏薜缸手排雲霧出崆峒回頭自笑身如蟻九  
曲明珠穿去聲一雙

三皇臺

峽角向身攔石棱當頂刺一磴一威紆扳緣殊未易道旁  
屋三楹欣喜堪暫憩小碣砌牆端特叙建祠意因愛此間  
靜且幽宛與古初無以異邈然遐思動深契特祀伏羲神  
農暨黃帝我謂盤之中尙是盤古世不然胡以嵐翠爲天  
雲根作地呼吸煙霄滿口鼻使我肝膈肺腸盡是太虛網  
縕氣道人髮如霜不省有文字秋藤挂壁尙作結繩勢

望毛女洞

在三皇臺毛女  
秦宮人名玉姜

避秦此山居石洞極幽邃遙與桃花源各占一天地

北斗坪

毛女拜  
斗處

空山礼斗杓風露冷侵骨應憶在宮時開簾拜新月

古丈夫洞

在北斗  
坪西

避役逃深山後世事知否君儻欲諮予乞去我松花酒

臥虎石

在古丈  
夫洞外

潛身巖際伏形狀信威如馮婦如遙見還應誤下車

靈芝石

在古丈  
夫洞北

何事青雲根幻作芝遮道得無人不知此卽是瑤草

雲門

峯頭跨石腳地穴壙天外萬古無白晝積蘚若青黛先降  
後乃升足進首須退側類屬垣聽僂如望塵拜拌身聊爭



登屏息不敢噫草蟲掠耳過枳棘鈎衣壞步憑挽與推躓  
已一而再經時未脫險小立各稱快那知千仞壁橫互途  
愈礙延緣向東行巖罅兩壁對形勢扼中權風雲爭一隘  
過此始豁然赤日車輪大

青柯坪

何處殷疏鐘雲堂隔數峯亂壓爭障路峭壁倒垂松葉落  
飛紅蜨泉高挂白龍當年避秦客何處問遺蹤

小蓬萊

在坪上中  
祀玉女

海山分一角於此駐飛仙跨鳳曾無侶栽桑可有田香壇  
閒晚景石帳捲秋煙月夜應游戲題詩十丈蓮

寥陽洞

在坪南鐵紐下垂旁  
有洞字架木所爲

陸行不著地若乘颺歛駕鐵繩雙手持雲屨太空跨所恐  
厓根虛蓮花一瓣卸洞猶未津逮身先隨羽化放膽試超  
越飄然入巖罅未濟恒等閒大過益驚怕神定起觀覽幽  
邃勝精舍日月渾不知塵喧永相謝值暑如秋冬纔申已  
昏夜誰施神鬼工境向虛無借上以金繩纏下憑玉竦架  
三面敞風牕數層盤露榭坐看白鶴飛臥聽紅泉瀉橡栗  
可充糗芝苓堪當炙分明在畫圖矧又多閒暇居此豈尋  
常鬼谷之流亞

回心石

志在最上層肯以艱難廢努力但精進予懷不再計當途  
作勢徒險巖自有短策頗足支壘嶂重巒縱喂嶮攀緣分

寸終有造極登顛時南天門最高處臨風一誦驚人句然  
後手把青蓮身騎翠鳳招邀明星玉女歸向蓬壺去

千尺嶂

危厓積鐵黑削壁入天青其中通一徑陡上穿岭啣羊角  
疾而冷土花溼且鯉數折級亦絕鐵縹縣亭亭牽綠離地  
起釣絲立蜻蜓行仗手代足足先無處停儼若汲深井繩  
繫身爲瓶不由人接引竟爾梯青冥險絕所難料生平曾  
未經寧惟心虢虢恐已鬢星星

百尺峽

出嶂約里餘裂壁復相對縫寬尺有咫石角更多礙溼煙  
綠濛濛終日沍其內欲陟無階梯一一穿穴代似綠百尺

竿足二分垂外時學蟹橫行難于蛇倒退勢危心反雄事  
急體忘憊步虛獨何人濟險原吾輩終須錐出囊竚見天  
如蓋扶搖九萬風撒手踏鵬背

雲頭石

在百尺峽上石平方丈  
可供憩息一名望仙臺

從龍事往暫偷閒一片橫陳竹木間我正倦游思假寐恐  
他飛去落他山

二仙橋

名山遺迹信多靈百尺飛梁跨絕陁雲際若添烏鵲影便  
如銀浦度雙星

車箱谷

車箱谷饒幽趣青苔白石連紅樹南北東西人欲迷秋冬



春夏雲長沍時有丁丁樵斧聲林深嶂複不知處

北極閣

在媪神洞後

參神畢思小坐道人引登閣左个龕鐙影照萬緣空暮鼓聲傳遙壑和夕陽閒趁鳥歸巢隔樹雲添山幾座

夜起題閣壁

策策疏林浙浙風和予吟到四更終千巖萬壑寒雲裏一點秋鐙石閣紅

師子嶺

帶露飛黃葉荒蹊滑不禁遇茲青嶺狀觸我故鄉心瀟灑城中寺高低石一林昔時常載酒擊鉢賭聯吟

吳中師林寺係倪高士雲林故

宅

老君犁溝

遙望溝形欲斷魂一條蟠螭落天門人傳紫氣畱遺迹我  
惜青山有破痕耕耨旣非通水道階梯何不鑿雲根翻令  
上下經行客鐵楸金繩面壁捫

鐵牛臺

犁溝垂盡棧平處一牛龐脂鎔金鑄或因表德或記功地  
誌山經無考據犂角踰蹏藉草眠雨淋日炙自年年入夜  
冷侵函谷月逢春紅接桃林煙東作西成渾不動凝然靜  
鎮邱山重覩爾長懷考牧詩何由占叶魚旗夢

獬豸愁

阪長岡坦投足卽游斧斤畧獲旦旦相求獬豸於茲鮮克

自由境便跳躍慮豈能周  
猢猻之喜猢猻之愁壁隋厓縣  
插腳雲裏游覽登臨望望而止  
猢猻於茲得遂生理勢阻  
超騰事原可已猢猻之愁猢猻之喜

### 雲臺峯

青雲堆萬重臺建卽成峯  
盡日泉聲冷連天秋色濃  
何當邀玉女於此賞芙蓉  
儻欲游西極羣松盡是龍

### 玉女窗

在雲臺峯上有石門入丈餘內有石竇望見南峯

一去瑤臺不復還  
白雲滿地洞門閒  
偶從巖牖窺山色  
翠黛分明寫髻鬟

### 望香鑪峯

形如太乙鑪誰與司香火  
縹緲靈芬霏白雲時一朶

倚雲亭

紅泥小石亭俯眺萬松頂鶴腳拖殘雲飛歸澗西嶺

白雲峯

峯峯有白雲胡此名專擅我到絕無雲雲飛峯對面

仙人碣

仙人碣在何處指點微茫是征路仄徑高低一線蟠開通  
云有神工助上聳千尋峯石角棱棱鋒穎露下臨萬仞壑  
水聲洶洶盤盪怒駭黷霧長凝崢嶸鳥不度乃欲於此扳  
援朽索一分一寸循厓而進步偶爾差池向誰赴訴六州  
聚鐵錯難鑄傳語世人慎勿輕身數來去靈境雖可慕危  
途亦可懼君不見自有此碣後人常爲仙人誤



擦耳厓

貼壁偎厓一鼻間同游指說各開顏  
石華歲久青如黛染卻星星兩鬢斑

金天洞

玲瓏穿石脇洞壑景光幽斜逗一絲  
日常局萬古秋白雲成結構青女此  
勾畱鶴馭時來往鴻荒迹可求

日月厓

碧樹紅泉境已奇遙看更令我心疑  
光陰定較人間永遮住雙丸不聽移

都龍廟

巖深也覺午風涼喜見叢祠澗道傍  
入竹門迎雙白鶴敲

雲石疊小紅廊三間古殿銜危壁半捲靈旗颺篆香可省  
甫田方待澤神龍何以答烝嘗

蒼龍嶺

鴻濛闢三峯本無徑可達大壑抱厓根杳杳綠煙濶未知  
自何時蟄龍起石窟潛伏已多年頗苦喉舌渴逝將飲渭  
川掉尾拂天闕帝怒遣巨靈枯之以示罰繫向東峯腰不  
許稍蟠屈一夜喪精靈遺蛻空碑砢裏裏二千丈狀若飛  
梁揭適當路斷處上下聯一髮日久雜泥沙不復似靈物  
人踏龍脊行遂可踰箭栝我來暮秋初木葉已微脫極目  
入青冥萬節支瘦骨足躋手復扳苔溼滑于笏旁視白迷  
茫下窺碧悅歛長風橫空來襟帶亂飄忽搖搖欲墮身一

葉寄溟渤殼鯨歷數時始克近林樾回看所經途惟有雲  
勃勃

望飛魚嶺

在蒼龍嶺東

形如北冥鯤修脊出高樹深訝水中物偏能陸海住亂山  
湧濤頭高下望風附全體難端詳鬣隱昏霧終恐雷雨  
時撥刺騰空去

五聖閣

雲霞傍座生日月平檐過一朵石蓮花青塞小窗破  
單人橋

高招仙掌遠相迎境漸空明逼太清一笑玉虹橫百尺更  
無人敢比肩行

石龍岡

岡頭見鹿羣及上脊無聞石脈一支拆泉聲兩派分林梢  
仍有路巖半盡埋雲妙境思延佇遙峯漸夕曛

箭栝峯

杜詩箭栝通天有一門不知其處後人各持一說終無定論惟單人橋上之通天門傳聞自舊似覺近之

覈名自謂得真詮半月分明似控弦石月半輪在仙掌上不見雲峯時

落鴈為驚楛矢上通天

通天門

今名金鎖關

凌空鳥道細于線磴轉厓迴時隱現仰頭遙望忽心驚雉  
堞連雲攔對面行來始訝神工奇萬丈蒼蒼石一片尙喜  
嵌巖有洞門藤垂松蔭晝昏昏進茲一步卽天上何無虎  
豹司重閣滿擬入門風景好高低臺殿如仙島泉分銀浦



夜常明花發瑤林春不老豈料依然峯塞天丹楓滿地無人掃

四仙菴

庵在三峯口譚紫霄馬丹陽劉海蟾邱長春修煉之所

古松夭矯形猶龍驤首欲騰天外去一石伏嵎虬虎如口  
銜龍尾遊龍住龍思擺脫不能脫惟有號風嘯雨攫掣生  
拗怒四仙祠宇寄丹崖道士居奇構小齋一窗恰與松石  
對落日送影東牆來我行觀之劇相賞據案勃勃興吟懷  
分明一幅僧繇畫誰向仙宮壁上挂拈豪描倣終不成只  
得略題數字付與雲山作閒話

金天宮觀雨作

絕頂凭危欄俯視飛鳥背足底風雨合千巖忽陰晦雷電

驅龍行隱現雲氣內白晝無人來石壁靜相對作詩報知  
交落筆諸天外

題殿西樓壁

帷幔纔褰上翠鈎金風陣陣送涼秋西峯日色東峯雨人  
坐林梢古石樓

登落鴈峯放歌

白鶴一雙驚夢醒手搯鐵杖踏松影氣愈寒境愈靜更無  
山與齊知己凌絕頂一條金線盤黃河不信箇裏能風波  
我欲拾取代表衣帶卻嫌水會霑香羅眼底溟溟浩煙海蜀  
山秦嶺三點兩點浮青螺仰望天如笠舉手應可及是誰  
細細鑿圓靈倒嵌明星千萬粒浮雲白英英大于片席石

雲上鐵瓦依然有雷聲

峯頂瓦斷皆以鐵爲之

避詔厓

欲辭丹鳳銜書莫若羚羊挂角恐被鰻窺洞門碧蘿添箇雲幄

賀老石室

仙人萬古宅寄在嵌空壁憾無濟勝具親往覽遺迹欲從王子喬暫借鶴一隻

南天門

突兀南天門離雲千億丈分明有路通石峽梯空上我來撒手行瑤草萋萋長境靜逼三霄仙樂依稀響風冷襲人衣頓深遺世想遺世莫如斯萬山首皆仰

聚仙臺

磐石聳浮空儼如雲一朶偶因愛其名半嚮踟蹰坐遙知  
遠望人神仙共擬我

寂寞樹

在聚仙臺南貼壁並生檀樹二株  
末與臺齊命名未知始自何人

幽姿古且奇未審植何代挺立各千尋恰與石厓背斜陽  
送冷紅終自凝秋黛百想極形容今畧得梗槩孤竹兩高  
人空山默相對

八仙龕

巖扉厓广繡苔紋石鼎時將柏子焚三嶼十洲花似海無  
心來戀一龕雲

早膳金天宮道士薦山蔬四種因紀以詩



松花芽

飽茹山松蕤清芬流口吻豈讓齊梁人滿腹皆金粉

鹿耳

絲幹葉岐  
出如鹿耳

盤餐雖草率風味勝肥鮮欲借鼠須筆重增雞肋編

雲楸

下箸盡英華淺嘗聊一試可知本草經呼作追風使

萱葩

療飢復忘憂樹背還果腹絕勝槐葉齋好進桃花粥

由黑龍潭至老子峯

老子字今人  
訛作孝

岑樓北去石潭西磴折崖迴咫尺迷樹頂抹雲巢鶴鶴峯  
頭閣雨隔虹霓此行苔屐猶爲累他日蓮房可許棲且向

老君祠宇內試占楮玟首重稽

老君丹鑪

鍊丹鑪鑊碧石徑丈餘高六尺云是老君之遺迹紅羊閱  
厄已多回未肯銷磨化劫灰露侵復雨潤重疊生蒼苔功  
成九轉飛昇去此物珠庭無用處仙人情豈異凡人不貴  
驪筌貴魚兔質抱堅貞文含太素安得軒轅道士今尙存  
與之掃葉燒茶秋夜復聯句

沖霄巖

壁立丹鑪旁終朝無定翠因開藥鼎時曾受氤氳氣所以  
勢亭亭常有凌雲意

西石樓峯

與東石樓峯相對

石勢嶙峋劃顛蒼對山爭起較低昂可知地位終縣絕且  
夕先迎日月光

### 蓮華峯

昔夢舉蓮玉井水披敷豔豔映天紫朝陽東上影西傾無  
數綠雲扶不起風景今看尙儼然石上虬松加長矣題名  
會似壁窠書未知可在花房裏

### 黃神谷

一枝藤杖撥雲開鳥道凌空折又迴飛瀑明邊松倒挂謫  
仙游後我重來太自有華山黃神谷譙臨汝裴崑陵十四明府序林間時見長生鹿石上  
猶存太古苔爲問黃蘆今在否何當共賭菊花杯

### 神姑林

在黃神谷中有  
獨坐神姑廟

何人祀神姑建廟在空谷四面無居人三間小板屋繚垣  
松萬株不斷風謾謾暮暮與朝朝石帳捲寒綠

### 鎮嶽宮

雲構資神力金精宅奧區檐飛霄漢外徑轉石林隅貝闕  
螭虬拱瓊樓日月扶境窪依北極嶽體四方峯形鼎峙北面獨空而微窪宮在其間形勝

瞰西都座下千峯立階前衆壑趨入門涼煥別縱目雨晴

殊鉅砌承丹楯蓮龕展繡幘靈威森恂悅光景歛模黏鐙

隱珮璃罩香凝菡萏鑪久聞三疊法待覓六壬符仙御乘

龍躋花宮號蕊珠應棲浩鬱狩華山神姓名見河圖備問巨靈胡白晝

聞鐘鼓高齋儼畫圖山鼓一角入松老半身枯琴薦鋪蕉

葉茶寮蕪栗跗雲歸蘿洞省鶴出石壇孤苔色秋來淡泉



聲雨過麤琅函探秘錄珍膳佐華腴華腴蜜也見雲笈七籤寧事西王母

聊尋古丈夫當前即玉局自覺勝蓬壺

### 摘星臺

峯顛矗奇石命名諒非偶我來立其上於意深有取伸臂  
天可捫折筭當荆帚先與埽雲霾罡風在吾肘一一閱象  
緯采將區先後鬼宿夫何為睽閃自忘醜撒沙萬點中是  
宜速擊掇閭闔誅蕩開無事須天狗晰晰復煌煌不夜焉  
用守更捲蚩尤旗永閉朱雀口弧矢注狼頭歲月既已久  
力掃機槍空免世惑休咎氛祲喜全消更舉種榆手勞勞  
憫客星往來爭折柳厝諸房室間俾得免奔走河北迎天  
孫位置牛郎右消釋別離懷銀漢照嘉耦瓠瓜值涼秋正

堪侑卮酒天倉乞一箕天漿挹一斗持此兆豐穰歸以獻  
我  
后從茲億萬年永慶升恒壽

捨身厓

蹉跌時時自戰兢縣厓撒手也堪行試看放膽奔波者偏  
是康莊誤此生

試玉井泉

厓樹腔空苔磴隋斜陽一半遮紅廟汲泉試品六班茶活  
火銅鑪青石銚帶霜落葉燒無數漠漠溼煙巖際聚潭底  
龍看認白雲騰身欲向溟濛去

碧天洞

神力何年闢蔚藍綠雲重疊護幽龕自疑不是人間世盡

鑿明星作石潭

二十八宿潭  
俱列洞外

由細辛坪至東峯

仄磴躡雲下雨餘風倍涼松厓連石綠藥徑出泉香數里  
踏秋葉疏鐘送夕陽忽驚無去路仙掌揭天閭

玉女峯

亭亭獨立態幽閒秋澗遙疑響佩環十丈蓮華峯倒影斜  
陽移上綠雲鬟

玉女殿

閃閃珠鐙燦九微神龕金鳳捲香幃貞姿盡奪天花秀皓  
質全分海月輝自昔誰傳三疊訣至今猶著五銖衣不知

昨夜游何處玉馬嘶風傍曉歸

玉女洗頭盆

石上靈泉徹底清雨晴從未見虧盈可知更勝滄浪水今日何當便濯纓

仙掌峯

出手能當一面風示人妙處在空空似將捧日丹霄上直欲迴瀾碧漢中拇戰匡廬邀五老指揮雲物喻三公

三公山在嶽東

南三峯秀出上象三六只俗名寶華山

分明招我蓬瀛去把臂何時共向東

三清菴

霞館萬松梢遙看似鳥巢徑隨丹磴轉齋踞綠雲凹偶展芝圖閱還尋木序抄磬聲苔洞裏若箇祀三茅



博臺

峻絕孤峯上長畱鐵瓦亭無人斜照紫方罽古苔青安得

邀洪衛

洪厓衛叔卿博於此臺者

相將降宵冥一齊飛六鶴重與究仙經

仙經

云六鶴齊飛

謂六博也

夜題東峯道院壁

席帽櫻鞵短竹筇騰騰踏徧翠芙蓉山齋記勝吟松月驚  
起窗前石窟龍

曉抵龍口觀雲海作

殿角鐘停牕漸曉石房人起先於鳥白沙團露尙震震碧  
落殘星仍鼎鼎心喜今朝得快晴急辭道侶下山行捫厓  
降磴千萬折六合爽朗涼風輕石面秋雲生縷縷裊空競



作迴鸞舞悠揚布濩須臾間一望林巒迷處所茫洋銀海  
森無邊楛柎齊燒萬竈煙白帝無遮作大會平鋪億丈玉  
花氈靈菴西極脊微聳掀側岐山地乳湧岐山爲地乳見河圖趁勢奔  
騰難遏防瀰漫倏已襄邱隴溟鯤變化成鵬時毛羽霑濡  
未克飛矚日晞風舒兩翼待乘羊角歸天池風后行師排  
八陣飛龍翔鳥同行進颺騰岳壓破空來蚩尤旗靡遭蹂  
躪旃檀依約氣氤氳遙空將降雲中君髣髴霓裳與鶴氅  
珠旌芝蓋馳續紛帝憫閻浮多絕險特敕巨靈爲遮掩盡  
將上界兜羅綿堆沒齊州青九點自疑中歲目模黏正擬  
還家徑忽無十二萬年龍漢劫得非又轉鴻濛初回首三  
峯獨無恙底事當前皆翳障多謝山神繼綰情設奇畱我

層霄上金烏飛出扶桑東赤燄如焚到處空或散或沈俄頃耳秋光愈覺增姿容豈料異觀能若此盪胸未足言奇矣題詩卽景費冥搜幾度揮豪難落紙

下憩青柯坪觀瀑布作

如船蕩塞白雲洞歲久尖長穿壁縫石髓乘虛趨一門怒流歎薄千山動波跳雪灑風颼颼清冷傳云夏亦秋夕沈朝磨曾不歇厓痕泐處深于溝五千仞上界天白終古斯坪無夜色但訝轟轟輾素車瓊輪競赴層巖隙芙蓉秋老凝霜華寒氣侵凌玉女家因遣瑤姬互擁帚時時掃出雲中花羣仙大會作重九是日白鳳長鯨挾轂走五彩霞舉結幔亭蒼龍汲汲爭行酒倏然誤倒瑤瑤瓶傾瀉椒漿等

建瓴縹緲碧虛挂白雨一條劃破危巒青靈鼇陰磴潛形

立燥吻悉吞芳液入澹談橫空赤舌仙峯腰老君騰升石印承勢

將欲並蓮峯吸諸神倚醉不能容賈勇齊驅百丈虹電斧

霜戈白羽箭分曹馳下水晶宮指揮二十有八宿二十八宿潭

各各輪流接踵鬪恍若干雷與百霆鏗訇鼉鼓宵兼畫垂

紳端冕來仙官袖手獨從壁上觀壁間有石仙人宰地球簾掩洞府

總仙洞天在壁之半即水簾洞太霄環佩聲珊珊五丁鑿破星河底灌以通天

無盡水織女機絲繫釣鉤竿頭最屬擎難起神仙豎掌豈

徒然接引長將匹練懸漱玉弄珠吐復咽松濤亂捲涼秋

煙秋煙高護白銀闕三素雲光輪皎潔安得人生筆一枝

似渠浩浩寫風月

鎮洋門人王湘編校

靈巖山人詩集卷三十三



靈巖山人詩集目錄

第三十四卷 古今體詩

嵩陽吟館集

旃蒙大荒落

乙巳二月初三日

上御乾清宮考試翰詹諸臣

召臣沅至南書房應

制恭和賦得循名責實原韻

恭和應

制上丁

釋奠後臨新建辟雍講學得近體四首原韻



恭和應

制二月初七日雪原韻

寄祝簡齋前輩七十初度四首

禱雨大相國寺充公和尙出朝清涼山圖屬題

卽用卷中同年王露仲學使原韻

喜雨

乙巳十月雲巖相公行河還寄呈一千字

謁淮源廟作

登胎簪山頂

得淮真源紀之以詩

題張留侯廟壁

古廟鎮

柔兆敦牂

恭和應

制河南巡撫畢沅來覲詩以示懷原韻

清明邯鄲道中

潞王墓

百泉

蘇門山

嘯臺

安樂窩

孟津夜渡黃河

龍門

禹王廟

嵩嶽紀游詩六十首

謁中嶽廟

天中閣

盧巖寺

瀑布

倒景臺

盧真君祠

龍潭寺

敬母石

萬歲峯

逍遙谷

尋唐隱士田游巖宅故址

盤石溪

藤花隴

會善寺

戒壇院廢址觀唐道安禪師碑

茶塲

龍贈寺

玉鏡峯

石幔峯

法王寺

金壺峯

子晉峯

遇聖峯尋白鶴觀遺址

松濤峯

鐵梁峽

定心石

芙蓉巖

青童峯

天池

玉井泉



玉女擣帛石

三醉石

天門

夜題峻極禪院壁

少林寺

毘盧閣

立雪亭

甘露臺

初祖庵

面壁洞

鉢盂峯

二祖庵

鍊魔臺

瘦驢嶺

自瘦驢嶺至吸風口

東巖

石梯巖

雲鐘洞

石城峯

靈隱峯

藥堂峯

卓劍峯

嵩陽書院觀漢武帝所封將軍柏

石幢

題太室石闕銘拓本後

過箕山望許由冢

石淙

題緱山廟堂

靈巖山人詩集卷三十四

鎮洋畢沅秋帆

一字  
縷齋

嵩陽吟館集

旃蒙大荒落

乙巳二月初三日

上御乾清宮考試翰詹諸臣

召臣沅至南書房應

制恭和賦得循名責實原韻

羣倫考覈重人間茂實英聲本互關借譽無端環自轉好  
修常設矩爲閑石應攻錯金容冶珠定藏淵玉韞山絢彩  
究須存素質空疏那免玷清班漫論廣鼎千鍏直終笑錯

刀一試艱爇火光浮難久耀鏤冰技巧要全刪游揚恐負  
虛車誚鞭策寧容隙駟閱只愧未參鴻烈訓叨陪簪筆侍  
龍顏

應恭和

州上丁

釋奠後臨新建辟雍講學得近體四首原韻

君師作則每開先景運欣逢典學年

秘殿考成洵煥矣鴻篇垂訓更昭然智珠湛比文瀾麗心  
鏡光如壁水圓共向出泉徵育德

九天教澤正敷宣

上下熙庠綴五典



帝京備製邁姚虞慶霄有路瞻

天近化雨無私被物殊鐘鼓和平盈殿廡弦歌宜導徧師  
儒前聞漫說循更老三五紛紛總失誣

陳牢薦醴上儀詳數典休論漢與唐道統久徵心契合  
宸章常揭日輝煌旅楹舍菜隆三獻丹陛宣綸誦十行  
親取堂塗

親陟降信知時懋在當陽

講席宏開鉅典逢橋門環聽盡雍雍

健行其仰天無息仁育感欽

帝有容顏賚更承申命渥振興益勵子衿慵儒臣忝得  
叨陪侍瞻拜崇墀矢肅恭

應

制恭和二月初七日雪原韻

同雲變黓際初丁

秘殿欣瞻

玉輅停

聖澤涵濡宏澤物

心傳妙契重傳經飄揚璧水文光燦飛舞瑤花

寶墨馨預慶春田占大有賡歌紀瑞邁虞廷

寄祝簡齋前輩七十初度四首

巋然江左一靈光星斗胸羅句出芒詩卷靜留真歲月煙霞絢染好文章何人御李思懷刺此事推袁定擅場春到

杖頭原不老雙丸物外任他忙

元相才名中禁傳雞林紙貴豔新篇筆雄繡虎詩兼史影  
落飛鳧吏卽仙綠字養心花養性碧山同壽鶴同年回思  
上表成婚日曾以明光寶炬蓮

園裏樓臺江外山盍簪曾記欵雲關地兼綠野平泉勝人  
在青蓮玉局間官職拋繆全福占詩名成爲半生閒別來  
未取征衫浣猶帶倉山冷翠斑

半入名場半隱淪鹿銜芝草伴長生六朝風骨餘金粉五  
嶽真靈作主賓燕喜樽開蘭渚會鳳簫聲遠洛川濱祝鳩  
寄語須珍重已未詞臣有幾人

禱雨大相國寺充公和尚出朝清涼山圖屬題卽

用卷中同年王露仲學使原韻

渤海泛慈航風輪轉磔磔憫茲衆生厄解脫叩禪宿汴京  
古名藍白馬繼高躅默叅三乘義不受六塵觸虛空青蓮  
華約暎離染服中州旱太甚淮濟涸兩濱糜屑盡艸樹民  
生計以促

法宮降手詔焦思補救速議賑旋議蠲典難數更僕神與  
在求誠巫纍肯從俗命危沸鼎魚家失夢蕉鹿步禱入禪  
關僧房繚而曲上人坐蒲團棲心似楠木翻繹雲輪經旁  
行貝葉復時內府頒發新刻大雲喻平生雲水蹤宗風蓮  
社續一餅一鉢問畫裏溪山熟願師宏法力須彌咒一粟  
拯濟萬餒魂枯骸生皮肉儒佛同此心慈愛意聯屬苦難



世尊悲流亡大吏辱清涼開淨域龍象護鷄足雪湧金銀  
臺曼陀香一束躡遐希印度結想異豪漢恒沙歷萬劫彼  
岸卽平陸地獄變相圖傷哉了心目叅破文字禪三藏那  
須讀文殊大慈悲聖鐙幽遠囑灑以甘露泉覆以紫雲竹  
河洛潤千里金穰滿豫幅願假夫花香揉成餅餌馥

喜雨

飈捲靈旗結暮陰真香一縷作甘霖澤同河潤流膏遠雲  
出嵩高挾雨沉萬井頻蘇垂死骨百昌漸抱向榮心應知  
呼吸關民命肅肅明祇咫尺臨

乙巳十月雲巖相公行河還寄呈一千字

乙巳二月望奉



命忝移節周行大河南一一歷曲折維時商邱旁高土立  
若鑊人云歲辛丑北岸屢崩裂相公承

廟筭究視最詳晰東遵豐枌榆西抵鄭周闕鋒車疾雷電  
駿馬走驪駛一疏數萬言河患悉梳抉

聖人垂衣裳周覽無不徹朝奏夕

報可改築工不撤經時三台星斗柄共南揭隨宜竟移徙  
高下植標楔要惟漢河性不僅事堵閉相公真神威河伯  
敢昇桀約束鯨與龍一日頓移穴公勲蓋天地尤美治河  
烈成規恆遵守庶足避傾跌五年三行河盛事粗可說爰  
從己亥始河害乃不輟儀封考城間勢下日衝齧泥鬆復  
沙滯一歲至一次公時始銜

命遑避饑與渴百萬荷鋪夫河岸立偈偈堤形塌百丈勢  
急聊補綴公云銅丸鑲河溜所漂激放之由正道後乃可  
堵截是時天蒼涼重九適在卽摳衣詣神祠一揖香下熟  
公誠格穹蒼風勢忽報颶居然順流下奔浪不汕刷居人  
庶耕耨神亦享芬苾無何儀封堤壞匪由蟻垤時惟辛丑  
夏暑久實酷熱公時再行河火急驅駟騾沿河百州縣訓  
檄日更迭稽橐百萬堆又憫民力蹶紛喧達晝夜工作手  
口指時開復時塞見者實嗚咽公時徵圖經晝日繕百頁  
皇然思久計庶必易舊轍自從熙豐來倏忽千載閱河流  
日南徙益復距冥碣非因其性導恐日至奔軼惟明宰相  
沈保族計以切沿河與堤工基址互不滅成功固堪用貴

在志意決當其奏初上異議有同列斷之由

九重識者欽

聖哲經時工甫就河漚忽全掣爭趨南岸下故道倏爾竭  
奇勲足萬古定乃在昕昝淤泥填巨浸春到草已茁分畦  
樹蔬果栽壠種瓜爬土肥春雨後潭底富蝦鱖南登三亭  
岡一望乃驚絕百七十里餘天造地復設如爲疏濬理快  
若瀉瘵結梁陳豐沛礪暢所欲宣洩滔滔達淮徐到海直  
一瞥重披舊河經流派已各別傍河百萬戶感激到耆耄  
寧爲民庶奠妥貼及魚鼈今年黃流洶顧視不可褻工員  
分地守奔走流汗涇排山勢雖盛要不出限闕仰公成法  
在不藉沉玉玦適逢軒車來趨謁衣不襍稽工更加賑黎



庶實欣悅茲方三載歉近始收黍稷堤工旣安瀾麥隴惟  
待雪公心庶堪慰親履及睦暇蘭陽行館內談讌北風冽  
感公勤念舊忘我爲政拙樞庭昔追隨倬直日來竭其時  
已蒙顧提左復右挈十年官秦中正度敘契濶公來我心  
喜事事秉圭臬賢勞又深念不暇駐羈紲憶從酋方囂昔  
嶺屨虬鬪天狼手射落戈濺蛟鱷血遂歸相

天子勲重爨鼎鏃功高志偏下抑抑口若訥公誠知政體  
布置不瑣屑上台兼數部惟在綱領挈知人尤有鑒暇卽  
勤吐餒屈指正端揆坐席不暇發南行及滇貴東指歷江  
浙甘涼案如山一一待公讞餘威懾蛟螭有位警警官  
方旣釐正更使獎竇室每讀公一疏自愧真忝竊又嘒前

哲言今古不相埒如公以一手勲合禹稷契河防卽明驗  
良法足刊刻至今官民間飲食視必潔河流日瀾瀾岸勢  
益岨岨垂楊多成陰嘉木日以迺堤旁牧羊豕樹上嚙鷓  
鴒公猶不居功自謂策疏劣裁詩寄公覽非漫誇筆舌頻  
年采輿誦事事悉可覈一篇附河渠以備書志缺

謁淮源廟作

邈迤荒山麓林疏露環堵跋馬陟坡陀叢祠謁神禹空庭  
柏五株形狀特奇古天清日復明雲霄驚風雨交加影亂  
移滿地蛇龍舞豐碑蝕蘚紋斑駁不堪觀未辭搜剔勞十  
字辨三五筆力媚而柔知出重摹補裝點作媼姪態俗寧  
足取四壁畫山川虛堂闕鐘鼓詎有靈爽憑塵筵竄飢鼠



憶昔洪水時無地，藝禾黍疏排。且八年胼胝，極勤苦錫圭。  
告功成，貢賦充天府。今者黃河流遷移，非故所汎濫。時爲  
災憂勤煩。

聖主冀惟水濟，水俾淮勢激。怒蹙河順軌，趨因利代防禦。  
命沅探厥源，勿令有湮阻。吾

皇已溺心，知神默心許。

### 登胎簪山頂

衰艸被荒塗，寒陽無朗照。攀躋十餘里，山半得古廟。門前  
池一泓，衆以淮源告。細視地窅窔，特爲水所滂。循名貴責  
實，詎敢輕心掉。欲期左右逢，尙須更深造。矯首青冥間，峯  
勢卓而峭。措筇賈勇登，幽折非意料。古苔滑于油，厓側樹

根倒霜葉墮雲上如藻泛秋潦數息始極顛時防風落帽  
流盼但蒼蒼天向四空罩

得淮真源紀之以詩

峯頂白雲根廣約十餘畝太古畱莓苔著霜半紅黝壁面  
迸流泉明珠歷亂走下漭一潭中沄沄清且濶初非無底  
壑但以虛能受潛從地底行東向出陽口道元注水經躋  
駁不時有俗儒讀其書硜硜惟墨守儻非自追尋疑竇何  
由剖歸途紀以詩新月挂衰柳

題張畱侯廟壁

在胎簪山頂

傳說畱侯隱是山至今祠宇掩柴關赤松黃石招邀去寧  
少雲巒勝此間

古廟鎮即水經注所稱陽口

日沈煙起漸黃昏，畧約斜通向小邨。淮醴東西分派去，

醴同源西流為醴東流為淮宋元祠宇斷碑存，寒原栖鳥羣爭樹，儉歲

居人早閉門，清絕成樓吹。回角數聲催出月，如盆

柔兆敦牂

應

制恭和河南巡撫畢沅來覲詩以示懷原韻

彌望來牟徧路隅，如膏雨潤盡昭蘇。三春黎庶歡中土，千

里青疇接

上都愧乏謨猷陳

補座尙煩

宵旰軫邨區催科不擾安耕鑿仰沐  
深仁

帝曰俞

清明邯鄲道中

雨酣春半物清妍冷節息息逼禁煙花影紅樓調瑟地簫  
聲紫陌賣飴天踏青隊隊歌金縷上冢邨邨挂紙錢只愴  
災餘多餒鬼殘羹何處乞重泉

潞王墓

儘將丙舍施空門遺壘安然傍世尊贏得香臺經閣外一  
間猶有影堂存

恰值清明雨後天棠梨紅徧寺門前山僧不省焚修事但



向溪頭墾墓田

百泉

澹沱春池碧千澗天光冷向波中見浪花疊作縠層層風  
陣蹙開冰片片逐隊噉啣戲小魚不時飄瞥飛雙燕細草  
茸茸水底鋪綠如鬢髮未曾梳倏訝觀瀾逢沸釜倒從清  
沼浸歎壺晴川的皜何來雨鮫室續紛亂灑珠風潭寧用  
誇千傾數畝輕漪自虛靚沙觜原堪把釣竿石脣恰可安  
茶鼎小坐橋亭垂柳邊看他翻動紅欄影

蘇門山

秀絕春巒隔遠汀紆威數折類長屏遙看只謂橫雲碧暫  
對真疑入画青傳昔深林栖隱逸宜人終日傍橋亭有時



風激松濤起猶認鸞音響未停

嘯臺

沙徑纔通磴道開昔賢嘯處尙畱臺有時遠岫孤雲到盡  
日空林少客來扶策細尋泉脈穴倚松閒坐石根苔老僧  
解事齋茶具試就風亭掃葉煨

安樂窩

宋賢遺宅偶追尋果覺移情不自禁繞座清泉涼河河當  
軒碧樹靜悄悄因吟月到風來句想見雲栖石隱心我亦  
湖山有適輟塵鞿一絆到而今

孟津夜渡黃河

帆正中洪濶青衿兩岸山龍門開洛邑漁火下潼關星斗

微茫外神靈杳冥間天風吹漢影送我貫槎還

龍門

桃花三月浪碧色動雲根日月吞雙峽風雷走一門聲疑  
吹地轉勢欲挾崖奔疏鑿何人力千秋識禹恩

禹王廟

翠屏千仞下屹立寺門前日吐樓頭樹雲流石腹泉鶴孤  
時顧影僧老不知年自愧紅塵客無心共論禪

嵩嶽紀游詩六十首

謁中嶽廟

宅靈開邃宇作鎮奠黃樞秩視三公等功先四岳敷明禋  
崇歷代祥契叶清都華闕雲霞護彤甍日月扶珠璣輝錦

帳玉案覆薰鑪棗戟頽廊列簪纓粉壁圓檐鈴銜鳳珠榻  
蘇蝕龜趺躩躩當軒石森森夾道榆寶書局畫篋秘錄貯  
瓊廚每託羣真蹟曾聞萬歲呼晨昏鐘鼓震風雨鬼神趨  
問氣生申甫于今孰合符

天中閣

岩巖傑閣界穹蒼縱目凭欄盡杳茫四岳峯巒輪峻極八  
方氣勢拱中央便思遺世求丹藥真可排雲叩紫闥天外  
氤氳風一陣不知吹落是何香

盧巖寺

泠泠疏磬音飛出煙中寺澗道曲如弓頗饒瀟灑致入門  
巖壑幽亭館捲寒翠昔爲諫議居一一見圖記景物果情

華深人物外意檐角嚮風箏桐花吹滿地

瀑布

巖丁瀉碧泉千尺縣雌霓石亭水氣中終歲足怕說不收  
冬月雷能灑夏時雪澤物詎非功出山亦頗潔我欲問真  
源矯首萬峯凸九天歎唾人珠玉落不歇

倒景臺

縣屋形絕奇未審幾千丈縹緲凌倒景飛鳥不能上傳聞  
境最幽率爾扶策往徑仄磴傾斜峯頂平如掌遙空日馭  
來髣髴紅輪響俯視蒼茫中衆山首皆仰奇樹踞雲根岑  
寂足清賞窅然移我情天際真人想

盧真君祠



澗曲荒祠對石棱邈然曠致到今稱青山已踐煙霞約丹  
詔徒勞諫議徵籬角殘碑蝸作篆庭陰危磴樹纏藤影堂  
客過聞清磬香火年時付野僧

龍潭寺

徑迂澗曲接祇園聒耳松濤不定喧水氣有鯉龍在窟花  
陰如畫日當軒地偏誰復停游屐僧老惟能白佛言自向  
虛廊搜碧蘚一碑依約認開元

啟母石

軼事相傳笑不經有情立地變無情靈異縱能隨物化寬  
頑何乃矢饑形石高二丈餘滴生白雲爲衣昔作髮夜靜  
風霜寒到骨東望稽山路渺茫翠煙如海浮殘月



萬歲峯

崔嵬千仞拔靈區  
漢代曾聞萬歲呼  
儻使神言堪作準  
茂陵邱壘至今無

逍遙谷

一徑踏黃葉  
秋風時颯然  
境幽疑出世  
峯起不分天  
破樹指危石  
紅沙灑古泉  
蒙莊第一義  
于此得真詮

尋唐隱士田游巖宅故址

爲訪前賢宅  
扶筇陟小岡  
但餘栽藥地  
不見讀書堂  
廢井填霜葉  
蒼山冷夕陽  
初心應諒我  
泉石亦膏肓

壘石溪

清溪秋後碧  
于澗磐石棱  
棱蒼蘚徧  
水光迴影灑  
斜陽照

見空林雲一片山禽驚去葉爭飛樵斧有聲人不見

藤花鳴

一望平蕪難計頃昔年此地饒風景傳說藤花爛漫時紫霞亂舞龍蛇影惆悵于今空石林遊人白鳥投煙嶺

會善寺

巍峩林際寺北魏舊離宮瑤璃紛紜碧臺殿聳層空層空影倒垂萬疊翠芙蓉房廊無陰晴啟閉綠煙中盛夏不知暑方秋已若冬六朝古蘭若不見支離松間說拔地起天矯騰游龍直欲挈雲行謾謾生長風禪堂成畫舫晝夜波濤擗何年忽怛化石隙有遺蹤低徊企幽景日色將下春落葉逐驚禽危樓一杵鐘

戒壇院廢址觀唐道安禪師碑

空傳戒壇名無復青蓮宇澀浪贖墮牆方花餘廢礎霜葉  
滿荒臺窸窣窺松鼠縱橫兩截碑漫漶字難觀野卉不知  
名簇簇紅心吐

茶勝

今移立城西峻極寺緣本  
戒壇院物故詩仍附於此

茶勝勒貞珉文與書兼美爰自拭浮埃研煤搨數紙予本  
渴相如久慕功德水小摘紫茸香禪參上乘矣旨哉古人  
言茗柯有實理

龍贈泉

聞昔有晏公說經龍出聽斯地苦無水一泓乞相贈德高  
神鬼欽所求靡不應須臾石湧泉恰供寺衆飲沄沄澆白



沙碧天影倒浸小憩松樹陰深我濯纓興

玉鏡峯

碧峯有物吐華彩晝夜陰晴渾不改炯炯光芒冷逼人冰  
輪一片生滄海名區勝境多神奇繡囊誰掣盤龍姿瑤姬  
桂陰整螺髻雲閣竇險猶未移嵩嶽英靈無託付寒燄熒  
熒常自露終有乘時負局人足躡青霄撥將去

石幔峯

化工巧構神仙窟肖物成形一峯出障日遮風亟所須碧  
帷兩片開山骨洞天應是浮邱家綺閣琳窗襯絳霞咫尺  
爲嫌塵世近一層護住瑤林花慨予夙慕耕漁樂孤負成  
言難踐約便爾歸營湖海樓何當借我芙蓉幕



法王寺

古寺背嵩麓旂飄積翠間鶴能司藥圃  
援解掩花關入座  
時間磬開窗總有山拈毫思著句適與不知還

金壺峯

老子寫經成金壺灑餘墨至今峭壁閒  
點點如礪黑乃知  
文字緣山林叨潤色

子晉峯

自經王子居靈跡徧邱壑往往明月夜  
玉笙響寥廓松杪  
栖白雲猶認歸來鶴

遇聖峯尋白鶴觀遺址

遇聖峯西曲徑平葉鋪荒澗石梁橫  
吹笙客已歸壺嶠采

藥人偏隱姓名無復虛堂銜嶽色但餘苦竹聚秋聲紀游  
偶憶青蓮句與廢分明弈一枰

松濤峯

風入山顛松翠濤響雲際我欲林下游亦復霑衣未

鐵梁峽

百尺跨峯腰石梁如鐵鑄月下古仙人曳杖自來去

定心石

雲根太室顛觀之一心志吾道貴推移方寸何凝滯

芙蓉岩

但見芙蓉開不見芙蓉落乃知造化奇緣萼雲根作

青童峯

漢武帝見二青衣童子捧書來迎欲問俄失之故名

捧書旣相迎轉瞬俄又沒漢武應爽然神仙多恍惚

### 天池

一泓峯頂池珠迸古石縫靜夜不因風波涵星斗動

### 玉井泉

古井鑿何人瑤光逗月竈居高淡且清風味異人世

### 玉女擣帛石

一片松根礎安置頗平穩擣帛欲何爲天衣豈有損何當  
借與予裁翦補華袞

### 三醉石

覩此茗芋態仿佛高陽流聯袂入醉鄉頽然幾千秋拂衣  
歸去來海上營糟邱

天門

蒼嶂忽中分縹緲如雙闕霄漢咫尺間賈勇可超越手把  
碧芙蓉聳身騎日月

夜題峻極禪院壁

登太室兮憩峻極之禪房風蕭蕭兮淒緊日杳杳兮昏黃  
展重衾兮聊敬枕以假寐喜明月兮恰穿牖以流光夜涼  
夢穩魂游而神遇雲亭霧閣碧瓦與紅牆青童兮擁篲玉  
女兮移牀子晉兮起迓浮邱兮相將石幔齊捲華蓋高張  
對玉鏡兮詠芳樹執金壺兮酌椒漿摘星斗兮贈予作環  
佩掇雲霞兮代我爲服裝謂上壽兮譬蜉蝣之於一日歡  
浮生兮若稊米之於太倉元言五千字丹訣十二章苟持



此而習誦兮會將相待於扶桑覺而喟然曰石室兮雲遮  
天門兮路賒世焉有長生之艸不落之花白石兮詎可以  
充常饈青泥兮詎可以當丹沙吾果進修兮不懈自名成  
兮無涯又安能強情拂性拋擲湖山五畝家

### 少林寺

夾徑峽峻峭琳宮翠靄凝龕扇金粟像旛颺玉蓮鐙雲勢  
當軒石龍形挂屋藤九年長面壁定力有誰能

### 毘盧閣

峇巖傑閣啟琳扉坐據胡牀面翠微斜日忽移峯影轉閒  
雲時抱磬聲飛愛逢清景將畱句愧對高僧未息機久有  
成言約猿鶴臨高倍覺思依依

立雪亭

神光慕至道于此侍初祖盡夜雪飛花沒膝不辭苦羸得  
山色中歲月石亭古

甘露臺

跋陀此繙經甘露從天來是以震且人紀瑞營斯臺于今  
何寂寞紅葉覆蒼苔

初祖庵

紆迴仄徑艸茸茸雙澗潺湲抱五峯竹掩松遮庵不見緣  
雲堆裏一聲鐘

面壁洞

豈少參承弟子行崇朝默默坐禪牀只愁誤認西來意不

得真詮反面牆

鉢孟峯

雲際石輪囷如鉢置巖岫得無面壁人欲將毒能咒所惜  
質非銅詩人不能叩

二祖庵

峯顛雲木合二祖荆茅庵古碣藏苔洞禪燈照石龕出門  
教鶴守聞磬有猿參卓錫初無意流泉似醴甘

鍊魔臺

高僧志勤修力定魔因伏我來登古臺石氣結空綠老鴉  
作笑聲飛出枯桑腹

瘦驢嶺

嶺形如瘦驢路達天門頂行行苦不前真與策蹇等應憶  
灞橋頭風雪吟鞭冷

自瘦驢嶺至吸風口

蒼壁忽中斷飛出白玉蚪蜿蜒數千丈直下投靈湫兩邊  
喬木合振古寒修修盤紆挂鳥道陰蘚滑于油側身攀藤  
葛猿猱過亦愁斜陽透一線雲載人影浮崖口誰鼓鞦韆盡  
日風颼颼儻非立足牢幾被土囊收半鄉造峯頂放眼小  
九州爛斑萬樹花何事豔深秋豈知乃霜葉點綴巖壑幽  
天然著色畫皴法李營邱

東巖

煙中有磬聲引我入山行境勝貪游目峯多細辨名風門



疑虎嘯石壁看雲生踞地捫蒼蘿前朝斷碣橫

石梯巖

仰望梯無際年深石髮麤不須凌絕頂絕頂是窮途

雲鐘洞

何處一聲鐘相傳出石洞欣然欲往探翠壁雲無縫

石城峯

聳峭高峯頂堅城一石成佳人雖善笑試問可能傾

靈隱峯

雲埋岩岫幽知有仙靈隱但待鶴書徵便奏朝天引

藥堂峯

峯因藥得名到處抽纖碧不知此靈苗可療煙霞癖

卓劍峯

何人持太阿倒卓白雲裏學既不能成移將天外倚

嵩陽書院觀漢武帝所封將軍柏

本三株其一康熙六年燬

于火

嵩嶽之陽雙古柏離立參差門奇格皴皮悉作鯨鱗紋挺  
幹俱成崖首色高約十尋大七圍貞蕤纚纚鐵菱披襍  
鵬化初鸞日糾結蛟逢正門時萌芽定自唐虞世拔盡扶  
與靈秀氣勁質奇形早動人將軍封號邀前帝無情詎藉  
頭銜尊氣勢橫出風雲屯戟枝直指飛禽避槍幹高擎野  
獸奔寂然寄迹鄰邱壑寧有功勳儕衛霍天全從未受侵  
凌年大所欣常嬰鏤鬱鬱葱葱得地偏浮根出土青銅堅

蚩尤陣霧翻山月楊僕船檣泊海煙漠漠陰連十數畝風  
裏羣鷺蒼兕吼雖無遺愛等甘棠儘可威名同細柳夙昔  
三株鼎足分無端劫火一株焚數奇不偶亡偏早物久通  
靈世益珍知是將軍不好武親炙先賢傍堂廡永免良工  
運斧斤長依多士吟風雨杏壇槐市可同誇爲幹爲楨質  
本嘉招隱漫勞歌桂樹成仙何必慕桃花

石幢

今移置嵩陽書院中

石幢造何年竚玩細摩撫八角鋒棱稜圓蓋覆方礎如有  
神護持未至厲樵斧宋人爭紀游某某字堪數有如馬伏  
波海上題銅柱日炙雨復淋蒼翠土花古縣知秋涼宵明  
月嵩門吐仙鶴儻飛來誤尋華表語



題太室石闕銘拓本後

搨得嵩陽石闕銘字如薄霧隱春星文詞篆刻胥無用聯  
見東都舊典型

好古癡情自少年今辰觀此一欣然尙憐少室同開母隕

落荒岡碧艸煙

啟母廟與少室兩石闕俱頽圯矣

金籬原堪博見聞殘軀斷碣訪求勤他年歸老琴臺畔一

角青山守闕文

過箕山望許由冢

隱士何心理九州持身孤潔世無儔長留箕穎名千古終  
占陶唐土一坏尸祝不聞甕醢酒鷓鴣猶見寄松楸壠前  
薄暝逢田父黃犢驅來飲上流



石淙

髣髴仙居異景開，雲根高下澗縈迴。  
煙波似翦吳淞得，島嶼疑分海嶠來。  
天際亭臺餘翠嶂，石間詩句半蒼苔。  
紀游也擬題名姓，一任鄰庵暮鼓催。

題緱山廟壁

王子仙成霄漢去，此間寂寞空煙樹。  
煙樹陰森蔭廟門，雙掩銅鋪朝復暮。  
石臺天半出欄杆，檐鐸風亭露氣寒。  
背日蒼苔侵古碣，帶霜紅葉滿空壇。  
白雲如鶴栖林杪，涼夜無人庭悄悄。  
蓬島蓉城何處期，玉笙聲斷碧山曉。

太倉門人張景江編校